



REPUBLIKA E KOSOVËS / REPUBLIKA KOSOVA

GJYKATA THEMELORE GJAKOVË

Numri i lëndës: 2019:077239

Datë: 05.09.2019

Numri i dokumentit: 00494617

P. nr.164/19

NË EMËR TË POPULLIT

GJYKATA THEMELORE NË GJAKOVË-Departamenti i Përgjithshëm, Gjyqtarja **Ilirjana Hoti**, me sekretaren juridike Flutur Nagavci, në çështjen penale kundër të akuzuarit **G.Z.** nga Gjakova, për shkak të veprës penale të vjedhjes së shërbimeve nga neni 314 par.6-1të KPRK-së, sipas Aktakuzës të Prokurorisë Themelore -DP në Gjakovë PP/II.nr.120/19 të dt.19.02.2019 ,në shqyrtimin e fillestar të mbajtur më datë **06.08.2019**, në prani të Prokurorit së shtetit Mone Sylja si dhe të akuzuarit, të njëjtën ditë mori dhe publikisht shpalli këtë:

A K T G J Y K I M

I akuzuari **G.Z.** nga Gjakova ,i biri i S. dhe i nënës Z. e gjinisë B., data e lindjes..., ka te kryer shkollën fillore, i pa punë, i gjendjes se dobët ekonomike- shfrytëzues i ndihmave sociale, shqiptar, shtetas i R. Kosovës, i martuar atë i 8 fëmijëve, numer personal...

Ë s h t ë f a j t o r

Sepse :

- **me datë të pavërtetuar e gjerë me dt.08.06.2018**, në shtëpinë e tij në Gjakovë, me qëllim që vetit ti sjellë përfitim pasuror të kundërligjshëm, me qëllim fitimi të paautorizuar ka shfrytëzuar energjinë elektrike, në atë mënyrë që ka anashkaluar njehsorin elektrik nr...., përmes dy fije teli është kyçur ilegalisht, direkt në rrjetin elektrik, gjendje kjo e konstatuar nga personat e autorizuar të Distriktit në Gjakovë, me rastin e kontrollit, me ç ‘rast të dëmtuarës K.- D. i R. – D. në Gjakovë, i ka shkaktuar dem material ne shume prej 158.05euro

-me çka ka kryer veprën penale të vjedhjes së shërbimeve nga neni 314 /6-1 tëKPRK-së.

Andaj Gjykata në bazë te nenit 4,17,41,46,49,50,51,52 par 5 ,73 ,neni 3314par. 6 -1 të KPRK-së dhe nenit 365 të KPP, të akuzuarit i shqipton :

DËNIM ME KUSHT

Dënim me burgim në kohëzgjatje **prej 3(tre) muajve**, i cilit dënim nuk do të ekzekutohen nëse i akuzuari brenda kohës se verifikimit në afatin prej 1 (një) viti, nuk kryen ndonjë vepër tjetër penale.

E dëmtuara K.-Distrikti në Gjakove për realizimin e kërkesës pasurore juridike udhëzohet në kontest civil.

Shpenzimet e procedurës penale bien ne barrën e mjeteve buxhetore te Gjykatës .

A r s y e t i m

Prokuroria Themelore në Gjakovë, me aktakuzën PP/II.nr.120/19 të dt.19.02.2019, e ka akuzuar të akuzuarin G.Z. nga Gjakova, për shkak të veprës penale vjedhje e shërbimeve komunale nga neni 320 të KPRK-ës.

Prokurori i shtetit Mone Syla, në shqyrtimin fillestar të mbajtur me dt.06.08.2019 lexoi aktakuzën PP/II.nr.120/19 të dt.19.02.2019, me ç'rast deklaroi se mbetet ne tërësi pranë aktakuzës, por sa i përket kualifikimit juridik te veprës penale vjedhje e shërbimeve komunale nga neni 320 te KPRK-ës ,duke marr parasysh se nga dt. 14 prill 2019 ka hyre ne fuq i kodi i ri penale, ashtu qe duke aplikuar nenin 3 pra 2 te KPRK-ës për zbatimin e ligjit me te favorshëm pasi qe sipas nenit 320 te ish KPRK-ës (kodi i vjetër) për veprën penale me te cilën akuzohet i akuzuari parashihet dënim komulativ-gjobë dhe burgim, ndërsa sipas kodit te ri penale vepra penale vjedhje e shërbimeve nga neni 314 /6-1 te KPRK-ës është e dënueshme me dënim me gjobë ose me burgim, pra durueshmëria për këtë vepër është e përcaktuar në mënyrë alternative. Andaj kodi i ri penale dhe vepra penale vjedhje e shërbimeve nga neni 314/6-1 është me e favorshme për te pandehurin, andaj edhe beje rikualifikim e veprës penale nga neni 314/6-1 te KPRK-ës ndërsa pjesa tjetër mbetet e pandryshuar.

I akuzuari G.Z., gjatë shqyrtimin fillestar duke u deklaruar lidhur me fajësinë thekson se e pranon ne tërësi fajësinë sipas aktakuzës me te cilën pandehet duke i ditur edhe me pare pasojat e pranimi te fajësisë dhe atë ne mënyrë vullnetare dhe pa presion me qene se një gjendje e tillë është konstatuar nga punëtorët kompetent te K.-it ,shtojë se është punuar për këtë vepër penale të kryer për shkak te kushteve te dobëta ekonomike, jetojë ne familje prej 10 anëtareve ku asnjëri nga familjaret nuk është i punësuar, jetojë me ndihma sociale, premtojë se një veprim i tillë nuk do përsëritet .

Prokurori i shtetit Mone Syla, duke u deklaruar lidhur me pranimin e fajësisë deklaroi se nuk e kundërshton pranimin e fajësisë pasi qe i njëjti është i vetëdijshëm për pasojat dhe favorët juridike te pranimi te fajësisë, nga vet pranimi i fajësisë është vërtetuar ne tërësi gjendja e plote dhe e drejtë faktike si ne dispozitivin e aktakuzës.

Në shqyrtimin fillestar gjykata ka vërtetuar këtë gjendje faktike:

Në tërësi u vërtetua se i akuzuari G.Z.: **me datë të pavërtetuar e gjerë me dt.08.06.2018**, në shtëpinë e tij në Gjakovë, me qëllim që vetit ti sjellë përfitim pasuror të kundërligjshëm, me qëllim fitimi të paautorizuar ka shfrytëzuar energjinë elektrike, në atë mënyrë që ka anashkaluar njehsorin elektrik nr..., përmes dy fije teli është kyçur ilegalisht, direkt në rrjetin elektrik, gjendje kjo e konstatuar nga personat e autorizuar të Distriktit në Gjakovë, me rastin e kontrollit, me ç' rast të dëmtuarës K.-D.i R. – Distrikti në Gjakovë , i ka shkaktuar dem material ne shume prej 158.05euro.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili ne shqyrtimin fillestar vullnetarisht ka pranuar fajësinë, për shkak te se cilës gjykata nuk ka administruar provat, gjykata ka ardhur ne përfundim se pranimi i fajësisë nga i akuzuari është bërë ne pajtim me nenin 248 te KPPK-ës. Gjate pranimi te fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimi te fajësisë, pranimi është bere vullnetarisht nga i akuzuari, pranimi i fajësisë mbështetet ne faktet dhe provat qe i përmban aktakuza, në materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje te qarte ligjore ose gabime faktike .

Gjykata nga te cekurat me lartë ka ardhur ne përfundim se ne veprimet e te akuzuarit formohen te gjitha elementet e veprës penale te përshkruara si ne dispozitiv te këtij aktgjykimi dhe për këtë ka vendosur qe te akuzuarin ta shpalle fajtor dhe ta gjykojë ne bazë te ligjit, me pare duke vërtetuar përgjegjësisë penale juridike te tij.

Me rastin e matjes së dënimit, gjykata ka pasur parasysh të gjitha rrethanat nga neni 73 të KPRK-së, të cilat ndikojnë në zbutjen apo ashpërsimin e dënimit. Rrethana rënduese nuk 8 fëmijëve, pranimin e vullnetshëm të fajësisë nga i akuzuari, sjelljen korrekte të akuzuarit në gjykim, pendimin e tij, premtimin se ne te ardhmen nuk do te kryej veprat e tilla, gjendjen e dobët ekonomike shfrytëzues i ndihmave sociale si dhe fakti se i njëjti më parë nuk ka qenë i dënuar e të cilat rrethana ndikuan që Gjykata ti zbatoi dispozitat e zbutjes së dënimit të parapara me nenin 75 të KPRK-së Gjykata të akuzuarit i shqiptoi dënim me burg ne kohëzgjatje **prej 3(tre) muajve**, i cili dënim nuk do të ekzekutohet nëse i akuzuari brenda kohës se verifikimit në afatin prej 1 (një) viti, nuk kryen ndonjë vepër tjetër penale, me bindje se edhe me këtë dënim do të arrihet qëllimi i dënimit i paraparë nga neni 41 dhe 50 të KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Gjykata nuk ka vendosur për kërkesë pasurore juridike, ngase e dëmtuara K.-D. i R. në Gjakovë gjatë shqyrtimit fillestar nuk ka paraqitur kërkesë pasurore juridike

Vendimi që shpenzimet e procedurës penale të bien ne barrën e mjeteve buxhetore, gjykata e morri ne mbështetje te nenit 453/4 te KPP-ës , pasi qe i akuzuari është shfrytëzues i ndihmave sociale e detyrimi qe ti paguajnë shpenzimet procedurale do te rrezikonte gjendjen materiale te akuzuarit ose të personave që ajo detyrohet ti mbështes materialisht.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,
P. nr.164/19 më datë 06.08.2019.**

**Sekretarja juridike,
Flutur Nagavci**

**Gj y q t a r j a,
Ilirjana Hoti**

KËSHILLA JURIDIKE: Kundër këtij Aktgjykimi mund të paraqitet ankesë ,në afatin prej **15 ditësh**, nga dita e marrjes se tij ne dorëzim ,Gjykatës se Apelit ne Prishtinë. Ankesa në kopje të mjaftueshme i dorëzohet kësaj Gjykate.

Numri i lëndës: 2019:077239
Datë: 05.09.2019
Numri i dokumentit: 00494617